



Nema novih detalja o napadu na Aleksandra Vučića

Jozić: SIPA pod nadzorom Tužilaštva BiH provodi istragu

Policija RS na osnovu dojave građana ima pretpostavke o napadačima, kaže Gojko Vasić

SIPA pod nadzorom Tužilaštva BiH još provodi određene istražne aktivnosti u vezi s napadom na srbijskog premijera Aleksandra Vučića 11. jula u Potočarima, potvrdila je jučer za "Avaz" Kristina Jozić, portparol ove državne policijske agencije.

Međutim, kada će istraga iz domena nadležnosti SIPA-e biti okončana, te s kakvim saznanjima trenutno raspolažu, nisu mogli reći.

- U ovoj fazi istrage SIPA nije u mogućnosti iznositi druge informacije za javnost osim da pod nadzorom Tužilaštva BiH provodi

određene istražne aktivnosti u ovom slučaju - kazala je Jozić.

S obzirom na to da je Tužilaštvo BiH izdalo i pisanu naredbu Federalnoj upravi policije (FUP) i MUP-u RS za dostavu do sada prikupljenih dokaza, očekuje se da će MUP RS fotografije koje je objavio na svojoj internetskoj stranici, te dojave građana o napadu na Vučića proslijediti Tužilaštvu BiH.

Gojko Vasić, direktor policije RS, izjavio je za Srnu da policija na osnovu dojave građana ima pretpos-



JOZIC:
Istražne
aktivnosti

VASIC:
Potvrđivanje
identiteta

tavku ko je napao Vučića.

- Druga faza bit će potvrđivanje identiteta napadača i u kom svojstvu su bo-

ravili u Potočarima - kazao je Vasić, dodavši da će i od nadležnih institucija Federacije BiH biti zatraženo da potvrde identitet napadača.

U FUP-u, od kojeg Tužilaštvo BiH također traži dostavljanje dokaza u vezi s istragom napada na srbijskog premijera, kazali su nam jučer da u ovom trenutku ne mogu reći ništa više osim da će sve ono do čega FUP dođe, a što bi bilo u interesu istrage, istog trenutka dostaviti Državnom tužilaštvu.

S.D.